


中国边疆研究资料文库·边疆行政建制初编

綜
合

中国边疆研究资料文库·边疆行政建制初编

綜合


輿地广记




成集書叢

編初

者編主
五雲王





輿地廣記

附札記

(一)

歐陽忞撰

輿地廣記

本館據士禮居叢
書本排印初編各
叢書僅有此本

四庫全書總目

輿地廣記三十八卷

宋歐陽忞撰。晁公武讀書志謂實無其人。乃著書者所假託。陳振孫書錄解題則以爲其書成於政和中。忞。歐陽修從孫。以行名。皆連心字爲據。按此書非觸時忌。何必隱名。疑振孫之說爲是。然修。廬陵人。而此本有忞自序。乃自稱廣陵。豈廣廬字形相近。傳寫致譌歟。其書前四卷先敘歷代疆域。提其綱要。五卷以後。乃列宋郡縣名體例。特爲清析。其前代州邑。宋不能有。如燕雲十六州之類者。亦附各道之末。名之曰化外州。亦足資考證。雖其時土宇狹隘。不足括輿地之全。而端委詳明。較易尋覽。亦輿記中之佳本也。

重雕曝書亭藏宋刻初本輿地廣記緣起

余喜藏書而兼喜刻書欲舉所藏而次第刻之力有所不能也會鄱陽胡果泉先生典藩吳郡敷政之餘留心選學聞吳下有藏尤槧者有人以余對遂向寒齋以百金借鈔蓋酬余損裝之資而實助余刻書之費洵美意矣用是藉爲權輿取所藏宋刻輿地廣記刻之始於己巳之春畢於壬申之夏經營三年方得竣事迨刷印以行乃顧而喜曰是書湮沒不彰久矣余雖得之第藏之篋笥已耳苟非果泉先生之助余剗剗安能使晦者忽顯乎今幸矣余所藏之書旣賴果泉先生代傳之而余所刻之書亦賴果泉先生之助之也余不敢沒人之惠故以刻書原委登諸簡首俾好古者有所觀感焉至是嘗宋刻勝於它本之處別爲札記附於卷末敢以質諸後之讀是書者

嘉慶壬申季夏士禮居主人黃丕烈識

輿地廣記序

古者風俗醇厚。士大夫安於所習。而無外慕不足之心。故其藝必專。兌之戈。和之弓。僚之於圓。秋之於奕。皆以此終其身。而名後世。而人亦未有能加之者。及至後世。日益奢靡。未始不欲以其一身擅天下之能事。而終無所至。嗚呼。此後之君子。所以有媿於古歟。地理之書。雖非有深遠難見之事。然自歷世以來。更張改作。先王之制。無一在者。自非專門名家。而從事於此者。其孰能知之。予不佞。自少讀書。私嘗留意於此。嘗自堯舜以來。至于今。爲書凡三十八篇。命之曰輿地廣記。凡自昔史官之作。與夫山經地誌。旁見雜出。莫不入於其中。庶幾可以成一家之言。備職方之考。而非口傳耳受。嘗試之說者也。傳曰。執璿璣以觀大運。則天地之動未足怪也。據會要以觀方來。則六合輻湊未足多也。統之有宗。會之有源。則繁而不能亂。衆而不能惑。地理之書。紛雜殺亂。卒然視之。漫不可省。雖深識博聞之君子。亦且以爲病。而又安知是非之所在。其所以處之。將必有道矣。夫以今之州縣。而求於漢。則爲郡。以漢之郡縣。而求於三代。則爲州。三代之九州。散而爲漢之六十餘郡。漢之六十餘郡。分而爲今之三百餘州。雖其間或離或合。不可討究。而吾胸中蓋已了然矣。譬如三十輻之車。制之以轂。二篇之策。統之以乾坤。豈不約而易操乎。是以願廣其書于世。必有能辨之者。世之君子。其試以是觀之。政和□□年三月日廬陵歐陽忞序。

輿地廣記卷第一

禹貢九州

晉	絳	慈	隰	河中	解	太原	遼	威勝	平定	汾
嵐	石	憲	澤	潞	岢嵐	寧化	火山	保德	眞定	中山
冀	河間	祁	保	莫	雄	霸	信安	永寧	順安	保定
相	磁	邢	洺	懷	衛	晉寧	雲	應	新	寰
蔚	朔	幽	涿	易	檀	薊	媯	平	營	安北都護
單于都護										鎮北都護



右古冀州地。按冀州禹貢不言封界。蓋堯都所在。以餘州見之。疆域尤廣。梁州境宇雖遐遠而雜以夷獠。中夏惟冀州最大。山

東之人。性緩尚儒。仗氣任俠。大行恒山之東。而鄴郡高齊。口都浮巧成俗。自北齊之滅。衣冠士人多遷關內。惟伎巧商販及樂戶實移鄴郡。由是人情險詖。至

今好山西土瘠。其人勤儉。而河東魏晉以降。文學盛興。魏朴君畿爲河東守。開置學官。親執經。教授郡中。化之。自後河東特多儒者。閭井之間。習

於成法。并州近狄。俗尚武藝。左右山河。古稱重鎮。舊信謂陳稀曰。代天下精兵處也。後漢末。天下擾亂。高幹爲并州刺史。韋招說幹曰。并州左有恒山之。右有大河之間。

北有強胡。可以恃也。寄任之者。必文武兼資焉。

大名 恩 開德 鄆 濟 滑 濮 博 德 濱 棣 滄 清

永靜

右古兗州地。案禹貢。濟河惟兗州。東南據濟。西北距河。地非險固。風雜數國。衛、魏、宋、齊、趙。秦漢以降。政理混同。人情

朴厚。俗有儒學。及晉之末。為戰爭之地。三百年間。傷夷偏甚。唐興復。如近古之風。

青 齊 濰 登 萊 密 安東

右古青州地。按禹貢。海岱惟青州。東北據海。西南距岱。古齊號稱強國。憑負山海。擅利鹽鐵。管仲謂楚師曰。我齊東至于海。西至於河南。至

於穆陵。北至於無棣。穆陵山。今琅邪郡沂水縣界。無棣。今景城郡縣。又燕王謂蘇秦曰。吾聞齊地。濱濟濁河。可以為國。長城巨防。可以為塞。今濟陽郡盧縣界。有防門山。又有長地。東至海。太公用之而富人。管仲

資之而興霸。人情變詐。好行機術。豈因輕重而為弊乎。固知遠人之方。先務推以誠言。漢高帝罵婁敬曰。齊魯以

舌得官。又汲黯謂。逮于漢氏。封立近戚。漢初。田肯說高帝曰。齊東有琅邪即墨之饒。南有太山之固。西有濁河之險。北有渤海之利。隔懸千里。齊得十二焉。故號東西秦。非親子弟勿王。武王

臨極。儒雅盛興。晉惠之後。淪沒僭偽。慕容建國。二代而亡。今古風頗革。亦有文學。唐初立都督府。命親王鎮之。漢氏之制。信可取也。

輿地广记

九

徐 宿 兗 海 沂 泗 淮陽

右古徐州地。按禹貢海岱及淮惟徐州。東至海。北至岱。南及淮。蓋鄒魯舊國。漢興猶有儒風。自五胡亂華。天下

分裂。二境尤被傷殘。彭城要害。藩捍南國。必爭之地。常置重兵。數百年中。無復講誦。況去聖人久遠。人情遷蕩。大抵徐兗其俗略同。

楊 高郵 楚 通 秦 滁 和 真 壽 廬 蘄 舒 濠

光 平江 宣 太平 池 廣德 潤 常 湖 杭 睦 越 歙

明 台 處 溫 婺 衢 饒 信 江 洪 撫 吉 筠

袁 虔 南康 南安 臨江 建昌 福建 南劍 泉 漳 汀 邵武

興化 無為 秀 江寧 潮

右古揚州地。按禹貢淮海惟揚州。北據淮。東南距海。人性輕揚。而尙鬼好祀。每王綱解紐。宇內分崩。江淮濱

海。地非形勢。得之與失。未必輕重。故不暇先爭。然長淮大江。皆可拒守。吳晉宋齊梁陳皆以江淮要害之地置兵。閩越遐阻。

僻在一隅。憑山負海。難以德撫。漢武帝時。朱買臣上言曰。東越數反。故東越王居泉山。一人守險。千人不得上。永嘉之後。帝室東遷。衣冠違難。多

所萃止。藝文儒術。斯之爲盛。今雖閭閻賤品。處力役之際。吟詠不輟。蓋因顏謝徐庾之風扇焉。

江陵 荆門 峽 歸 復 郢 安 岳 漢陽 鼎 澧 辰 沅

靖 施 黔 信陽 珍 溱 鄂 興國 潭 衡 永 道

郴 桂陽 全 邵 黃 遵義 武岡 錦 溪 獎 費 西高

右古荊州按禹貢荊及衡陽惟荊州北據荆山及衡山之陽其風俗略同楊州雜以蠻率多勁悍南朝鼎立皆

為重鎮然兵強財富地逼勢危稱兵跋扈無代不有晉王敦陶侃桓玄桓溫宋謝晦南郡王義宣袁顥沈攸之桂陽王休範齊陳顯達梁武帝陳王琳華統皆自上流擁

兵東下是以上游之寄必精擇其人焉

蔡 穎 穎昌 應天 亳 陳 開封 興仁 廣濟 單 河南 孟 陝

號 汝 鄭 唐 鄧 隨 襄 光化 均 拱

右古豫州地按禹貢荊河惟豫州西南至荆山今襄陽郡南漳縣界北距河大抵荊河之間四方輻輳故周人善賈趁利而

織齋韓國分野亦有險阻蘇秦謂韓宣王曰韓北有鞏成臯之固西有宜陽商阪之塞東有苑穰洧水南有陘山也鞏成臯則今鞏縣洧水也宜陽商阪即今福昌山及商山也苑穰今南陽界陘山今密縣山

自東漢魏晉宅於洛陽永嘉以後戰爭不息元魏徙居纔過三紀自西晉永嘉五年劉曜陷洛陽執懷帝至後魏太和十九年經百八十七年遷都至

永熙三年又經三十九年分爲東西魏矣逮乎二魏爰及齊周河洛汝穎迭為攻守夫土中風雨所交宜乎建都立社均天

下之漕運便萬國之享獻不恃隘害務修德刑則卜代之期可延久也。

興元 洋 金 房 達 開 渠 廣安 梁 閬 巴蓬 昌 普

恭 南平 涪 合 忠 梁山 萬 夔 大寧 利 三泉 劍 綿

梓 遂 漢 成 郫 彭 蜀 邛 雅 黎 嘉 簡 懷安 眉

仙井 榮 資 瀘 叙 富順 永康 祺 亨 威 茂 長寧 商

鳳 階 成 興 文 龍 嵩 松 扶 翼 眞 當 悉

恭 柘 靜 姚 疊 宕 乾

右古梁州地按禹貢華陽黑水惟梁州。東據華山之南西距黑水巴蜀之人少愁苦而輕易淫佚周初從武王勝

般。庸、蜀、羌、髳、微、盧、彭、濮人是也。東遷之後楚子強大而役屬之暨于戰國又爲秦有資其財力國以豐贍漢景帝

時文翁爲蜀郡守建立學校自是蜀土學者比齊魯焉土肥沃無凶歲山重複四塞險固王政微

缺跋扈先起。公孫述劉備李雄義縱迭據之皆因中原多事故一方之寄非親賢勿居。

京兆 鳳翔 隴 邠 耀 同 華 坊 延安 保安 廊 丹 環

豐 麟 府 綏德 銀 涇 慶 渭 鎮戎 原 德順 懷德 寧

秦 鞏 熙 積石 河 西安 西寧 蘭 湟 會 洮 岷 廓
 夏 宥 靈 監 豐 勝 甘 涼 瓜 肅 沙 西 伊
 安西 北庭

右古雍州地。按禹貢黑水西河惟雍州。西據黑水東距西河西河龍門河也在冀州西黑水出放厥田上上。鄂

杜之間號稱陸海。四塞爲固。被山帶河。秦氏資之。遂平海內。漢初高帝納婁敬說而都焉。又徙齊諸田。楚昭、屈、景、燕、趙、韓、魏之後。及豪族者。家於關中。強本弱末。以制天下。自是每因諸帝山陵。則遷戶立縣。率以爲常。故五方錯雜。風俗不一。漢朝京輔號爲難理。其安定、彭原之北。汧、陽、天水之西。接近胡戎。多尙武節。自東漢魏晉。羌氏屢擾。旋則苻姚迭據。五梁更亂。三百餘祀。戰爭方息。帝都所在。是曰浩穰。其餘郡縣。習俗如舊。

舜十二州

晉 絳 慈 隰 河 解 太原 遼 威 勝 平定 汾 忻
 代 嵐 石 憲 澤 潞 岢嵐 寧化 火山 保德 雲 應 新
 寰 儒 毅 蔚 朔 府 安北 鎮北 單于
 右并州。

幽 涿 易 檀 薊 媯 平 營

右幽州

安東上都護府

右營州按書舜肇十有二州孔安國云禹治水之後舜分冀州為幽州并州分青州為營州始置十二州餘九州依上

七國

京兆 商 華 同 耀 邠 鳳翔 麟 延安 丹 坊 郿 銀

夏 寧 慶 環 原 涇 渭 宥 靈 鹽 鳳 秦 岷

會 鞏 蘭 河 熙 虢 隴 綏德 保安 西安 鎮戎 德順

右秦地

開封 大名 河中 興仁 晉 絳 慈 隰 解 衛 深 祁

右魏地秦始皇二十二年王賁伐魏引河溝灌大梁遂滅魏

鄭 穎昌 唐 鄧 均 汝 陝

右韓地秦始皇十七年內史勝滅韓以其地置穎川郡

澤 潞 遼 代 沂 憲 汾 嵐 石 勝 府 豐 太原

洛相邢磁滄清冀恩真定中山莫河間趙

豐平定威勝寧化岢嵐火山保德晉寧永靜順安永寧雲蔚

朔勝單于大都護

右趙地秦始皇十九年王翦破趙克邯鄲虜趙王遷

幽涿霸雄媯易檀薊平營保順信安

保定安肅廣信安東

右燕地秦始皇二十五年王賁攻遼東虜燕王喜

登萊沂密濰青淄濱滄棣齊德博

右齊地秦始皇二十六年王賁攻齊齊降

房金洋興元雲夔鼎澧辰黔安岳黃

鄂復郢襄峽歸施江陵沅楚通秦泰楊

真滁濠和壽廬舒光蘄江筠通秦泰潤

湖江寧秀池歙宣睦常光蘄江筠通秦泰潤

婺温處衢隋穎海黃饒信洪虔明支

撫潭衡道永邵全柳漣陳漢陽無爲南康